



05.05.2023

UPA2023/66

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Illoqarfigisaaq qimallugu erniartortartut ilaqutaasalu, unammillernartumik atugarisaat pillugit qulaajaanermik iliuusissatullu pilersaarummik suliaqaqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut UKA24-p aallartinginnerani saqqummiunneqarsimassaaq.**

**Inatsisartunut ilaasortaaq Mikivsuk Thomassen, Inuit Ataqtigiit**

Inatsisartunut ilaasortaaq Mikivsuk Thomassen, Inuit Ataqtigiit-ninngaaniit siunnersuutaa imaattoq: Illoqarfigisaaq qimallugu erniartortartut ilaqutaasalu, unammillernartumik atugarisaat pillugit qulaajaanermik iliuusissatullu pilersaarummik suliaqaqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut UKA24-p aallartinginnerani saqqummiunneqarsimassaaq. Siumuminngaaniit siunnersuuteqartoq Imaattumik oqaaseqarfigissavarput.

Siumuminngaaniit pingaartilluarparput ilaqutariit Ilaqutariittut imminnut qanillutik pitsaasumik atugassaqartinneqarlutik ineriartornissaminnik toqqammavissaqarlualutik inerisaaffiguarinneqarnissaat. Tamanna toqqammavigalugu siunnersuuteqartoq Siumuminngaaniit paasilluinnarparput siunnersuutimigut tunngavilersorluni oqariartuutigisaa.

Inuttut immaqaa amerlasuujuugut nalunngisarivarput arnaq naartulluni ernisussanngoraangat ilaqutaasut pissanganartumut tikikkaluttualersartut. Tassami meerannguaq inunngortussaaq ilaqutariit pissangassutiguaannarpaat peqqissuulluni anillassanersoq. Qularnanngitsumik ilaqutariit neriut annertoq tamarmik pigisarsimassagaat Siumumiit qularinngilarput.

Ilaqutariimmi amerlasuut qangaaniilli aamma nalusanngilaat erninermi ajutoortoqarsinnaasartooq, allaat aamma anaanangortussaaq erninerliornermik kingunerlutsinnaasartooq ilisimasarpaat. Ajornerpaamillu aamma killittoqarsinnaasartooq nalusanngilaat tassa anaanangortoq meerannguarlu inunngortaaq inuunerannik navianartorsiorsinnaasartut.

Siumuminngaaniit siunnersuuteqartup ernumassutigisai paasilluarpagut kiisalu aamma siunnersuuteqarnermini siunertarisaa takulluarsinnaavarput, tassa ataatsimut isigalugu nunatsinni erniartortoqartarnerani periutsinik pitsaanerungaartunik nunatsinni atugassaqartitsinerput aqqusioqatigiissutiginnissaanik iliuuseqaqatigiittariaqarnitsinni oqariartorami.

Siumuminngaaniit paasisagut nunatsinni ernisussiortoqarniarnitta ilungersunarnera ilisimaarivarput. Taamaamat illoqarfinni anginerinnangaaniit aamma nuummut erniartortarneq ingerlanneqalernikuusoq ukiuni kingullerni ajornartorsiuutinngoriartortoq siumumiit ilisimavarput. Ajoraluartumik periutsit atukkagut nunatsinni ilungersunaqaat, allaat Nuummi nunatsinni annertuumik isumalluutigisatut inissisimasup



ernisussiortoqarnitsigut pitsaasumik toqqissisimanartumillu inissisimasussap assut sulisoqarniarnikkut pitsaanngitsumik inissisimasoq sulilu ajorsiertortoq siumuminngaaniit ilisimavarput.

Naalackersusup oqariartornera Siumuminngaaniit isumaqatigivarput peqqinnermut ataatsimiititaliarsuaq qularinnginnatsigu peqqinnissaqarfitta inerisarnissaanik nunatsinni ernisussiortoqarnikkut ajornartorsiornitsinnik arlaatigut pitsanngorsaassalluni pilersaarutinik oqariartorumaartussaasoq ilimanarluinnarmat, taamaammatt inatsisartunut ilaasortap **Mikivusuk Thomassen, Inuit Ataqatigiit-neersup** siunnersuutaa tassunga tapiliullugu suliarineqarsinnaanissaa Siumumiit kaammattuutigissavarput.

Taamatut siumuminngaaniit oqaaseqarluta siunnersuut akuersaarlugu ataatsimiititaliamut susassaqtumut ingerlateqqipparput sulilluartoqarnissaanillu kissaassilluta.

Mala Høy Kúko

Siumut